



ԱՌԱՋՆՈՐԴԱՐԱՆ ՀԱՅՈՑ

Ա.Մ. ՆԱՅԱՆՎՆԵՐՈՒ ԱՐԵՄՍՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: Prelacy@aol.com Website: www.westernprelacy.org



ՔԱԼԻՖՈՐՆԻՅԱ ՀՈՐՀՐԴԱՐԱՆԻ ԱՆՂԱՄ ՔԵԻՆ ՏՂԵՆՆ ԱՅՑԵԼԵՑ ԱՉԱՅԻՆ ԱՌԱՋՆՈՐԴԱՐԱՆ

Քալիֆորնիոյ խորհրդարանի անդամ Քեյին Տղլենն Ուրբաթ, 20 Մարտի յետմիջօրէին այցելութիւն մը տուաւ Ազգային Առաջնորդարան եւ ընդունուեցաւ Թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեանի կողմէ: Հանդիպումին ներկայ եղան Հոգ. Տ. Պարթեւ Վրդ. Կիւլիմեան, Ազգ. Վարչութեան անդամներէն իրաւաբար Լեւոն Կիրակոսեան, Հայ Դատի յանձնախումբի ներկայացուցիչներ՝ Տիար Գարեգին Խանճեան, Տոքթ. Օննիկ Բեշիշեան եւ Տիկին Փաթիլ Աբոշեան-Գասպարեան, ինչպէս նաեւ հիւր խորհրդարանականի գրասենեակի պատասխանատուներէն Տիկին Պայծառ Թովմասեան:

Այցելութեան նպատակն էր ծանօթանալ Ազգ. Առաջնորդարանի գործունեութեան: Այս առիթով, ան նաեւ Առաջնորդ Սրբազանը պաշտօնապէս հրաւիրեց Քալիֆորնիոյ խորհրդարանի 23 Ապրիլի նիստին, որ յատկացուած է Հայկական Յեղասպանութեան յիշատակումին: Խորհրդակցութեան նիւթ դարձան այժմեական հարցեր, ինչպէս նաեւ Քալիֆորնիոյ հայութիւնը յուզող խնդիրները: Նշենք, որ հիւր խորհրդարանականին ընտրաշրջանին մաս կը կազմէ Հոլիվուտի »Փոքր Հայաստան« գօտին:

Առաջնորդ Սրբազանը այս առիթով ծանօթութիւններ տուաւ Ազգ. Առաջնորդարանին ու անոր հովանիին տակ տարուող աշխատանքներուն մասին: Ան նաեւ գոհունակութիւն արձանագրեց, որ Քալիֆորնիոյ ժողովուրդին ներկայացուցիչները համախմբող խորհրդարանը արդար մօտեցում կը ցուցաբերէ Հայ ժողովուրդի իրաւունքներուն նկատմամբ ու ամէն տարի յատուկ նիստով կ'ոգեկոչէ Յեղասպանութեան զոհերուն յիշատակը: Հիւր պետական անձնաւորութիւնը, իր կարգին, անհրաժեշտ նկատեց այս ու այլ հարցերու գծով գործակցութեան սերտացումը, յատկապէս վեր առնելով նոր սերունդի առողջ դաստիարակութեան հրամայականը:

Հրաժեշտ պահուն, Առաջնորդ Սրբազանը յուշանուէր մը յանձնեց խորհրդարանականին:

CALIFORNIA STATE ASSEMBLYMEMER KEVIN DE LEON VISITS THE PRELACY

On the afternoon of Friday, March 20th, 2009, H.E. Archbishop Moushegh Mardirossian, Prelate welcomed to the Prelacy California State Assemblymember Kevin De Leon. Participating in the meeting were Executive Council member Mr. Levon Kirakosian, Esq., representatives from the Armenian National Committee Mr. Karekin Khanjian, Dr. Onnik Keshishian, and Mrs. Patty Aposhian-Kasparian, and Senior Field Representative for Assemblymember De Leon Mrs. Baydzar Thomasian.

The purpose of the meeting was for the Prelate and guest to become better acquainted with the endeavors of the other and to discuss various issues of concern to the Armenian Community, given that Assemblymember De Leon's district encompasses Little Armenia.

During their meeting, Assemblymember De Leon took the opportunity to personally invite the Prelate to participate in a special session of the Assembly on April 23rd, in commemoration of the Armenian Genocide.

The Prelate expressed his appreciation to the Assemblymember for his attention to Armenian issues and for initiating a special session each year in commemoration of the Genocide.

Assemblymember De Leon thanked the Prelate for his kind words and well wishes and reaffirmed the importance of continued collaboration.

Prior to his departure, the Prelate presented the Assemblymember with a memento and wished his success in his future endeavors.